

Mēnā ko koe anake te pāpurenga-mōrehu



Ka tono te tangata hara ki te kōti mō te āpuru ingoa tūturu

Ka pātai tētahi kaitohutohu pāpurenga kōti, ngā Pirihimana rānei ki a koe mēnā e hiahia ana koe ki te whakamōhio atu ki te kaiwhakawā mēnā ki ōu whakaaro me tau te āpuru ingoa tūturu ki te tangata hara.



Me whai wā koe ki te whakaaroaro

Me whakaaroaro mēnā e hiahia ana koe ki te whakamōhio atu ki te kaiwhakawā i ōu whakaaro me aha. Kāore koe i te herea ki te whakatutuki i tēnei mēnā kāore koe i te hiahia, ki ōu whakaaro rānei tē taea e koe.



Me whakamōhio atu ki te kaitohutohu pāpurenga kōti, ngā Pirihimana rānei mēnā ki ōu whakaaro me whakawhiwhi āpuru ingoa tūturu ki te tangata hara

Whai muri i tō whakaarohanga, ka whakapā atu tō kaitohutohu pāpurenga kōti, ngā Pirihimana rānei ki a koe ki te pātai atu mēnā e hiahia ana koe ki te kōrero atu ki te kaiwhakawā me aha ki ōu whakaaro.

Ka tuhia e ia tēnei ki tētahi tuhinga hei pānui mā te kaiwhakawā.



Mēnā kāore koe i te hiahia ki te tau te āpuru ingoa tūturu ki te tangata hara:

- Ka whakahēngia e te kaiwhakawā te tono a te tangata hara.
- **Kāore** te tangata hara e whiwhi āpuru ingoa tūturu e pā ana ki te mahi hara ki a koe.
- **Ka taea** te whakaputa tōna ingoa ki ngā rongo kōrero, i runga pāpāho pāpori rānei e pā ana ki te mahi hara ki a koe.

Mēnā e hiahia ana koe kia whiwhi āpuru ingoa tūturu te tangata hara:

- Ka whai whakaaro te kaiwhakawā ki ō whakaaro me te whakatau mēnā ka whiwhi āpuru ingoa tūturu ia, kāore rānei.
- Ka āhei anake te kaiwhakawā ki te tuku āpuru ingoa tūturu ki te tangata hara mēnā ki ōu whakaaro kia kua e pānuitia tūmatanuitia tōna ingoa.

Mēnā kāore koe i te hiahia tuku i ō whakaaro:

- Ka whakatau te kaiwhakawā, ā, ka whakamōhio atu koe mō te putanga.
- **Kāore** te kaiwhakawā e tuku kia pānuitia he taipitopito e mōhiohia ai pea koe.